

Mbeti nœ Jake Tshatshu o'o

Asœke koedœ mbeti á Jake sú. Anga azu gbe adœke Jakenœ asœ koedœ lima aya Yisu. Mbeti nœ ye sœ koemi upu fœ agbolo nœ Ndjaba para kãkã á endje kurutshelœtœ endje lœ ogo djezœ.

Jake sœ koemi upu fœ ayindœ Yisu tœ ɔtshɔ endje ugurutœ endje œdœ ugurutœ ayingba Yisu. Tshe pa adœke kœwusœtœ to ɓa ndœ Ndjaba yé œ li adœke azu yœndœ nœ dœ kœyindœrœ kɔ. Œ li ndje adœke kœyindœrœ sœ kœematœ ye dœ akwa, kashe œ kœsœsœ ata nene, œ tshu ye.

Ga panœ, tshe mi o'o tœ upu nœ oyo œdœ kœgbœrœ, kœeli ga lœ o'o œdœ kœewu lœsu azu, kœeke azu lœ angbœtœ, aayi kœgbœrœ á endje lœ kœembœrœ œrœ kanga fœ ayi akwa nœ endje, o'o tœ upu nœ kœeru lœsu, kœeshi gbi lœ avwala œdœ kœekotœ azœ mi anga azœ lœ ishiri.

Mbetinœ kurutshelœtœ ye atake:

- Abala (1.1)
- Kœyindœrœ œdœ kœwusœtœ (1.2-18)
- Kœekate o'o ama Ndjaba œdœ kœembœrœ œeneke á o'o ama Ndjaba sœ kœepa toenœ (1.19-27)
- A kukurutshelœ azu nene (2.1-13)
- Kœyindœrœ œdœ kœembœrœ ɔtshœrœ (2.14-26)
- Kœewusœtœ œdœ kœepa o'o (3.1-18)
- Kœesœ dœ lœsu nœ œrœ tshapashɔ gaga nene (4.1-5.6)
- Ugu lœsu œdœ avwala (5.7-20)

Abala

¹ Abala nœ 'e dœ azu tshelœ mara ndjokpa dœ bisha nœ Ayuda, á 'e ndjɔtshelœtœ 'e lœ ogo djezœ. Œmœ Jake, ayi akwa nœ Ndjaba œdœ Gbozu Yisu Kristu, mœ sœ kœsu mbetincœ asœke fœ 'e.

O'o tœ upu nœ kœru lœsu

² Aaya mœ, œdœ tshelœ áká ɔgbɔ o'o kɔ kœsœ kœna ga tœ 'e, 'e sœ dœ yanga waa mbœrœ tœncœ.

³ Gbambancœ nene, 'e wusœ nœ adœke lɔkɔ á 'e kœli ga lœ ɔgbɔ o'o, á kœyindœrœ nœ 'e kœsœpe sheko ga ndœ Yisu, œ mbœrœ adœke 'e shi gbɪ lœ nœ yé 'e yo nene.

⁴ Kashe œ li adœke kœshi gbɪ nœ 'e gerœ yeka á mara kœmbœrœtœ 'e kœsœ tœ ɔtshɔncœ lœ œrœ kɔ, yekane anga œrœ bale kœroro 'e nene.

⁵ Œdœ anga uzu bale ugurutœ 'e kœgugu dœ kœwusœtœ nene, œ li adœke tshe yɔndœ nœ ɓa ndœ Ndjaba á tshe kœto fœ she. Gbambancœ nene, Ndjaba sœ dœ ayo waa lœ mara kœto dœ œrœ fœ azu para kɔkɔ dœ ɔtshɔ lœsu œdœ dœ kœgbagbara osho nene.

⁶ Œ li adœke uzu e osho ndœ nœ dœ kœyindœrœ, kashe dœ sharapu nene, mbœrœ ayi sharapu sœ ɓata loko á yugu œ ivwi na tœncœ tœ osho kɔ.

⁷ Uzu ataa gbegbe adœke œne œ gbɔ œrœ bale ɓa ndœ Gbozu nene.

⁸ Mbœrœ adœke gbetshelœ nœ ye sœsœ bale nene yé tshe kaka kpiri lœ awa nœ ye nene.

Ayi oyo dœ ayi kœgbœrœ

⁹ Kaka adœke gbolo nœ Ndjaba á tshe kœdœ ayi oyo donga tœ ye tœ œneke á Ndjaba œ ti she ga lafo,

¹⁰ yé tsheneke á sthe kœdœ ayi kœgbœrœ donga tœ ye tœ œeneke á Ndjaba œ ku she ga ati ascœmœ. Gbambanœ nene, œendœ ayi kœgbœrœ œ di nene mbœrœ tshe sœ b̥ata aya ɔ̃ɔ̃ tshelœ kpagagasho.

¹¹ ɔ̃lœ œ tɔ̃ vwege vwege, œ ɔ̃rɔ̃ ɔ̃yɔ̃nœ, ndɔ̃kɔ̃nœ œ yo ga ati yé modonœ œ ka. Awa bale b̥ata anga ɔ̃lœ bale ayi kœgbœrœ œ ndi bala lœ ama akwa nœ ye kɔ̃.

Ndjaba vwavwa uzu ndœ kœmbœrœ ekperœ nene

¹² Uzu á tshe wusœ kœru l̥su ye lœ ɔ̃gbɔ̃ o'o, œshe kœdœ uzu nœ yanga. Gbambanœ nene, manda kœma kœru l̥su nœ ye lœ ɔ̃gbɔ̃ o'o, Ndjaba œ za soro fœ she b̥ata œrœ tshangba akwa á tshe gumasœ nœ tœ kœto fœ endjeneke á endje yindœ ye.

¹³ Ɛ kœsœ adœke l̥su uzu vwa she ndœ kœmbœrœ ekperœ, adja tshe papa adœke: «Ndjaba dá vwa mœ ndœ nœ» nene. Ndjaba gbege tœ kœmbœrœ ekperœ nene yé tshe vwa vwa ndje uzu ndœ ekperœ nene.

¹⁴ Ogo nœ uzu dœ tœ ye dá mbœrœ adœke l̥su ye vwa she ga lœ ekperœ.

¹⁵ Manda kœgerœ ekpe ogonœ ascœmœ, ekperœ œ wuta lœ nœ yé œ kœsœ adœke ekperœnœ gerœ yekane á kuzu œ wuta lœ nœ.

¹⁶ Ɛrœ bale fafara 'e dœ aaya mœ á mœ yindœ 'e waa asœke nene.

¹⁷ ɔ̃tshɔ̃ œrœ kɔ̃ á uzu œ gbɔ̃ gbambanœ to ɔ̃a lafo ɔ̃a ndœ Ndjaba ayi kœmbœrœ ɔ̃lœ, yapu œdœ pe angerepe. ʔa ndœ ye, tshe yayapatœ ye nene. ʔa ndœ ye, aya ubu osho gugu nene.

¹⁸ Ndjaba yindœ nœ yeka á za soro fœ azœ dœ awa o'o ama ye á dœ adja o'o adœke azœ dœ azu utshunœ ugurutoe œerœ kœ á tshe mbœerœ.

Kœdji o'o ama Ndjaba œdœ kœza ga tœ akwa

¹⁹ E'e dœ aaya mœ á mœ yindœ 'e waa, 'e wusœ nœ kœ tœ ɔtshœnœ adœke: Æ li adœke uzu dœ uzu vwara tœ kœdji o'o kashe tœ kœpa o'o katsha katsha dœ pe kœso ókó katsha katsha nene.

²⁰ Gbambanœ nene, uzu á tshe kœsœ dœ ókó, tshe lili tœ kœmbœerœ œeneke á sœ ndjii tœ ala Ndjaba nene.

²¹ Atamœ, 'e katœ œerœ tshula dœ pe ndje kœmbœerœ ekperœ kœ ti, yé œ yindœ o'o á Ndjaba za fœ 'e dœ ɔmœ lœsu. Gbambanœ nene, o'onœ li tœ kœshe 'e.

²² Æ li adœke 'e za o'o ama Ndjaba ga tœ akwa, gbetshelœ nœ 'e vwavwa 'e kolœ ndœ kœdjidji nene.

²³ Gbambanœ nene, œdœ uzu kœdji o'o ama Ndjaba, á kœzaza ga tœ akwa nene, tshe sœ ɓata uzu á tshe sœ kœwu tshatshu ye ɓa la wushiri.

²⁴ Yé manda kœwu tshatshu ye, tshe gitœ ye yé œendœ tshatshu ye á tshe wu má ro she ye.

²⁵ Kashe œdœ uzu kœza awa akwa nœ Ndjaba á li tœ kœvwara uzu lœ kánga, á yindœ nœ dœ lœsu bale, œdœ œendœnœ kœroro she nene á tshe kœsœ kœdji tœnœ á sœ kœza ga tœ akwa, uzunœ asœmœ œ sœ dœ yanga lœ œerœ nœ ye para kœkœ.

²⁶ Ædœ anga uzu kœgbe adœke œene kœdœ ayi kœdonga Ndjaba, á kœuwusœ kœgbœndœ ama ye nene, gbetshelœ nœ ye sœ tœ kœfara she gbambanœ. Kœdonga Ndjaba nœ ye sœ gbambanœ.

²⁷ Ærœ á Aba azœ dœ Ndjaba yindœ nœ adœke uzu mbœrœ tœ kœdonga œne dœ ɔtshɔnœ dœke: kœgbe dœ ayasuru dœ ayashe koya lœ oyo nœ endje, œdœ ndje pe kœgbɔndœ undu ye lœ ekperœ tshapashɔnœ asœke kɔ.

2

Adja 'e keke azu ndœ tshatshu endje nene

¹ Aaya mœ, œ kœsœ adœke 'e sœ dœ kœyindœrœ ga ndœ Gbozu nœ azœ dœ Yisu Kristu á tshe sœ lœ mokɔ, adja 'e keke azu ndœ kœwu tshatshu endje nene.

² 'E gbe dœ o'o asœke kane. Ædœ uzu bale kœverœ œrœ kane asœ dœ ɔrœ, á verœ ɔtshɔ lœba á li ga tœ œsœ ngbɔtœ nœ 'e, á anga uzu neke á tshe kœdœ ayi oyo kœverœ agba lœba á li ndje dœ tœnœ,

³ œ kœsœ adœke 'e lisœ ayi kœverœ ɔtshɔ lœbanœ, á pa fœ she adœke: «Æbœ á bœ sœ ke, sœ ga ati kpœke ga tœ ɔtshɔ osho asœke», yé á kœpa fœ ayi oyonœ adœke: «Æbœ asœke, ka dœ ada zœ ba e», too ndje «sœ ga ati, ga tœ ɔshɔ ba tœ osho á mœ ko ada mœ tɔ ga tœ nœ»,

⁴ œneke á 'e mbœrœ asœmœ má adœke 'e sœ kœwu tshatshu azu, yé 'e wuta b̄ata azu kœwa o'o á endje wa ngbanga dœ ekpe gbetshele.

⁵ E'e dœ aaya mœ á mœ yindœ 'e waa, 'e dji mœ kane. Ndjaba ke ayi oyo pa ɔshɔ adœke endje sœ tœ ayi kœgbɔrœ lœ kœyindœrœ ga ndœ Yisu yeka á endje kœli ga lœ ogo gbozu á Ndjaba pandœ nœ adœke, œne za fœ azu á endje yindœ œne.

⁶ Kashe e'e, 'e wuwu ayi oyo lœ ala 'e gbambanœ nene. Azu adœ dá sœ kœmbœrœ agbɔ œrœ dœ

kumu 'e a? Aðe dá sœ kœna dœ 'e ga utshu ayi kœwa ngbanga a? Æ doédœ ayi kœgbœrœ nene a?

⁷ Æ doédœ kolœ endje dá sœ kœendi ɔtshɔ i'iri á Ndjaba za ga pa e'e nene a?

⁸ Adja 'e sœ kœmbœrœ dœ ɔtshœnœ œdœ 'e kœsœ kœza awa akwa nœ Gbozu Ndjaba ga tœ akwa. Awa akwanœ á Buku nœ Ndjaba œ pa tœnœ adœke: «Yindœ yanga zœ ɓata á ɓœ yindœtœ zœ dœ tœ zœ.»

⁹ Kashe œ kœsœ adœke 'e ke azu mbœrœ kœwu tshatshu endje, 'e sœ kœmbœrœ ekperœ. Ataa, awa akwa nœ Ndjaba yisœ nœ adœke 'e te dœ o'o ye.

¹⁰ Yé uzu á tshe kœza awa akwanœ djigi ga tœ akwa, á kœkatœ anganœ bale, tshe te dœ tœnœ para kœkœ ye.

¹¹ Gbambanœ nene, uzu á tshe pa adœke: «Adja papara awo uzu too akœ uzu nene», pa ndje adœke: «Adja ɓœ wowo uzu nene.» Æ kœsœ adœke ɓœ papara awo uzu too akœ uzu nene, kashe ɓœ kœwo uzu, ɓœ te dœ awa akwa nœ Ndjaba para kœkœ.

¹² 'E pa o'o, 'e mbœrœtœ 'e ɓata azu á Ndjaba œ wa ngbanga pa endje liaka awa akwanœ á vwara azœ lœ ekperœ.

¹³ Gbambanœ nene, Ndjaba œ wu oyo nene œ kœsœ adœke tshe wa ngbanga pa uzu á tshe wuwu ndje oyo azu nene. Kashe kœwu oyo azu ropa kœwa ngbanga ye.

Kœyindœrœ œdœ ɔtshɔ akwa

¹⁴ Aaya mœ, œ kœsœ adœke anga uzu pa adœke œne sœ dœ kœyindœrœ ga ndœ Ndjaba, á tshe kœmbœmbœrœ ɔtshɔ akwa nene, ádá kœyindœrœ

nœ ye sœ zœ doemœ a? Yé kœyindœercœncœ asœmœ œ she má she kotoo?

¹⁵ Æ kœsœ adœke anga aya 'e too yingœ 'e, á tshe kœgugu dœ lœba kœverœ ga tœ ye nene, too ndje dœ rœgo kœzi ɔlœ dœ ɔlœ nene,

¹⁶ á anga uzu bale ugurutœ e'e kœpa fœ endje adœke: «'E verœ lœba izi yé œ gu yé œ zi œrcœ dœ ɔtshœncœ», kashe 'e toto œrcœ á endje gbe dœ tœncœ fœ endje nene, ataa ádá o'onœ á 'e pa sœ zœ doemœ a?

¹⁷ Æ sœ ndje awa bale mbœrcœ kœyindœrcœ ga ndœ Ndjaba. Gbambancœ nene, œ kœsœ adœke uzu sœ dœ kœyindœrcœ, kashe tshe kœembœmbœrcœ ɔtshœ akwa nene, kœyindœrcœ nœ ye tshu ye.

¹⁸ Kashe œ kœsœ adœke anga uzu pa adœke: «Æbœ á bœ sœ ke, sœ dœ kœyindœrcœ, yé mœ mbœrcœ akwa», mœ gi fœ she adœke: «Ma fœ mœ mara á uzu li kœsœ dœ kœyindœrcœ ga ndœ Ndjaba á kœgugu dœ akwa nene, ataa lœ awa akwa nœ mœ, mœ ma mara á mœ sœ dœ kœyindœrcœ ga ndœ Ndjaba fœ bœ.»

¹⁹ Bœ wusœ nœ adœke Ndjaba sœ tshebabale? Tœ ɔtshœncœ. Kashe ekpe ishiri wu ndje sœ nœ atamœ, yé endje de gbara gbara dœ awa.

²⁰ Bœ gugu dœ kœwusœrcœ nene. Bœ yindœ nœ adœke mœ ma fœ bœ adœke kœyindœrcœ á gugu dœ akwa nene sœ gbambancœ a?

²¹ Ata azœ dœ Abrayamo wuta lima ɔtshœ uzu tœ ala Ndjaba mbœrcœ kœembœrcœ ɔtshœ akwa, á mbœrcœ adœke tshe yi lima ndœ kœza gbolo nœ ye Isaka tœ tokóro fœ Ndjaba.

²² Wusœ nœ adœke kœyindœrœ œdœ akwa nœ ye na lima awa bale: kœyindœrœ nœ ye wuta dœ ɔtshœnœ mbœrœ akwa á tshe mbœrœ.

²³ O'onœ mbœrœtœ ye ɓata á Buku nœ Ndjaba pa adœke: «Abayamo yindœ o'o ama Ndjaba yé mbœrœ tœnœ ataa, Ndjaba wu she tœ uzu á tshe sœ ndjii.» Mbœrœ tœnœ atamœ, Ndjaba e she adœke yanga œne.

²⁴ 'E wusœ nœ adœke, uzu œ wuta ndjii tœ ala Ndjaba mbœrœ kœmbœrœ ɔtshœ akwa, kashe œ sœsœ kolœ mbœrœ kœyindœrœ bale nene.

²⁵ Æ sœ ndje awa bale tœ upu nœ Rahabe yashe gu ga ati ɓa lœ Yeriko. Æ dœdœ mbœrœ akwa nœ ye dá tshe wuta lima uzu ndjii tœ ala Ndjaba na a? Tshe za lima osho kœsœ fœ ayi avwa nœ Ayuda, á ko endje kpa wuta tœnœ dœ angbi awa.

²⁶ Bata uzu kœwuwu nene, tshe tshu ye, awa bale œdœ kœyindœrœ nœ uzu kœvwavwa she ndœ kœmbœrœ akwa nene, kœyindœrœ nœ tshu ndje ye.

3

Kœgbœndœ tima azœ

¹ Aaya mœ, adja azu ndjoro ugurutœ e'e yiyindœ nœ adœke œne te aayi kœyisœrœ nene. Gbambœnœ nene, Ndjaba œ wa bala œgbœ ngbanga pa azœ dœ ayi kœyisœrœ, kœropa œnœ udu anga azu.

² Azœ kœ, a sœ kœyo tœnœ ɔlœ dœ ɔlœ. Æ kœsœ adœke uzu mbœrœ ekperœ lœ o'o á tshe pa nene, uzunœ asœmœ kœdœ ɔtshœ uzu tako. Tshe li ndje kœsœ tœ gbozu tshapa undu ye kœ.

³ A ko yarakowo ga lœ ama ambarata adœke endje dji azœ, yé a yôrœ endje adœke endje na tœ awa á a yindœ nœ.

⁴ 'E gbe ndje dœ masuwa: œ sœ tœ egerœnœ gbaa, œdœ ndje ndavuru yugu sœmœ á vwi masuwanœ gbaa, ayi kœgbota tœnœ œ turu kolœ tœ aya yindancœ teasho yekane á fa masuwanœ ngoro ngoro ngoro ga tœ osho á tshe gbe kœfa ga tœ nœ.

⁵ Awa bale dœ tima azœ: œtœnœ kœdœ aya œrœ teasho lœ undu uzu, yé œ sœ kœmbœrœ ko ogboro œrœ.

'E gbe dœ aya owo teasho á tetœ egerœ gusu, yé gusunœ œ ju kpa.

⁶ Tima kœdœ œrœ kote uzu á sœ бата owo. Œtœnœ kœdœ anda ekperœ. Œ ndi undu azœ dœ uburu yé œ tshi бата owo lifelo. Œ ju uzu kœto бата tœ kœzu she œrrr kpa ga tœ kuzu ye.

⁷ Uzu kœ mbœrœ adœke œne dœ gbozu tshapa mara agea kœ, agea gusu dœ pe ayanu, dœ agea á endje œrœ tœ œshœ, dœ ageatshalangu, yé endje dji she.

⁸ Kashe uzu bale lili tœ kœsœ tœ gbozu tshapa tima ye nene. Tœnœ kœdœ ekperœ á uzu lili kœtepa nœ pa œshœ nene, œ suusu dœ ekpe œyœ tœ kœwo azu.

⁹ A donga Gbozu á tshe dœ Aba azœ dœ tima azœ, yé œ darandœ azu, á Ndjaba mbœrœ endje бата ishiri ye dœ tœ ye, kolœ dœ tima bale asœmœ.

¹⁰ Œtshœ o'o kœdonga dœ Ndjaba ndje dœ ekpe o'o kœdarandœ azu wuta kœ kolœ ama azœ. Aaya mœ, œ lili adœke œrœ atake mbœrœtœ ye nene.

¹¹ Adja œtshœ ungu dœ ekpe ungu wuta бата lima lœ ogoro bale a?

¹² Aaya mœ, ɔyɔ fige zu ele olive yeka œdœ ɔyɔ vinu á zu ele fige ma? Awa bale ungu kœndjoondjo wuwuta lœ ogoro bale dœ ungu ingbiri nene.

Kœwusœtœ á to 6a ndœ Ndjaba

¹³ Ɛdœ ugurutœ 'e kɔ kœdœ uzu kœwusœtœ œdœ kœwusœrœ a? Kaka tshe yisœ nœ lœ awa kœmatœ ye tœ uzu nœ ɔtshɔ ɔtshɔ yé œ mboœrœ akwa nœ ye para kɔkɔ dœ ɔmɔ lœsu œdœ pe kœwusœrœ.

¹⁴ Kashe, 'e kœsœ dœ gbetshelœ kœropa anga 'e, á lœsu 'e kœsu dœ ekpe úkú, adja 'e koko ombo ga tœ 'e nene yé œ pa wala dœ i'iri adja o'o nene.

¹⁵ Mara kœwusœtœnœ asœke toto 6a ndœ Ndjaba nene, œ dœ kœwusœtœ tshapashɔ nœ asœke, kœwusœtœ nœ azu, kœwusœtœ á to lœ ekpe ishiri.

¹⁶ Gbambanœ nene, úkú œdœ pe kœko ombo ga tœ azu dá sœ kœzu djingili œdœ pe ala ekperœ kɔ.

¹⁷ Kashe uzu á tshe sœ dœ kœwusœtœ á to 6a ndœ Ndjaba, tshe kœdœ uzu nœ œyerœ lœsu, tshe bœbœrœtœ ye nene, tshe sœ dœ ɔtshɔ lœsu, œ sœ ndje dœ lœsu nœ kœdji azu, tshe dœ uzu nœ kœwu oyo anganœ. Tshe kœdœ uzu nœ kœmbœrœ ɔtshɔ akwa, uzu nœ kœwu tshatshu azu nene yé tshe dœdœ wulapatshɔ nene.

¹⁸ Azu neke á ndje yindœ kœsœ gee, endje lœ 6ata azu kœdjo kindi á endje gi kœsœ gee dji kpata indiri endje yé ngwarœ á endje rɔ kœdœ soro á sœ ndjii.

4

Kœyindœ tshapashɔ kœdœ kœyangba Ndjaba

¹ Æbœrœ œdœ pe koshe ugurutœ 'e to kpœta a? Asœmœ kœ to lœ ogo nœ e'e dœ tœ 'e á sœ kœdutœ endje lœ gbetshelœ nœ 'e asœmœ nene a?

² 'E sœ dœ ogo kœgbœ œrœ kashe 'e gbœ nene yé 'e wuta ayi kœwo azu. 'E sœ dœ úkú mbœrœ œrœ ndjoro yé ðata á 'e sœsœ kœgbœ œrœnœ nene, 'e fa ga lœ koshe. 'E gbœgbœ œrœ á 'e sœ kœpara nene mbœrœ á 'e ee osho ndœ nœ ga ndœ Ndjaba nene.

³ Æ kœsœ adœke 'e e osho ndœ nœ ga ndœ Ndjaba, 'e gbœ nene mbœrœ á 'e sœ kœ'e osho nœ dœ ekpe gbetshelœ; gbambanœ nene, 'e e osho ndœ œrœ kœ mbœrœ ogo undu 'e dœ tœ 'e.

⁴ 'E sœ kœfara Ndjaba, 'e fatœ 'e ðata ayashe angba. 'E wuwusœ nœ nene adœke kœyindœ tshapashœ nœ asœke kœdœ kœyiangba Ndjaba a? Uzu á tshe kœyindœ tshapashœ asœke, tshe wuta ngbewo ayingba Ndjaba.

⁵ Buku nœ Ndjaba pa adœke: «Ndjaba sœ dœ úkú waa mbœrœ ishiri á tshe za ga lœ azœ.» 'E gbe adœke o'onœ asœmœ wuta gbambanœ a?

⁶ Kashe Ndjaba sœ dœ œtshœ lœsu ga ndœ azœ kœropa nœ, gbambanœ nene Buku nœ ye pa adœke:

«Ndjaba vwaratœ ye tœ ayengœ egerœ kumu, kashe tshe sœ dœ œtshœ lœsu ga ndœ endjeneke á endje zatœ endje ga ati.»

⁷ Atamœ, 'e zatœ 'e ga tœ o'o ama Ndjaba, œ vwaratœ 'e tœ Satana á tshe kœgitœ ye tœ 'e lœ ingirinœ.

⁸ 'E gitœ 'e ndo dœ Ndjaba yeka á tshe kœgitœ ye ndje ndœ 'e. E'e dœ azu kœmbœrœ ekperœ, 'e yapa œtshœ 'e. E'e á 'e sœ dœ lœsu bisha bisha, 'e mbœrœ adœke 'e wuta dœ lœsu bale.

⁹ 'E yindœ nœ adœke 'e doé azu oyo, 'e ki. 'E katœ koemotœ 'e yé œ ki doé ngola. 'E katœ kœsœ doé yanga kashe 'e sœ doé oyo.

¹⁰ 'E zatœ 'e ga ati utshu Gbozu yeka á tshe koeti 'e ga lafo.

Wawa ngbanga pa yanga zœ nene

¹¹ Aaya, 'e papa ekpe o'o goro œsœ anga 'e nene. Uzu tsheneke á tshe kœpa ekpe o'o goro œsœ yanganœ too ndje á kœwa ngbanga pa yanganœ, œ sœ бата tshe pa ekpe o'o ga tœ awa akwa nœ Ndjaba too ndje tshe wa ngbanga pa nœ. Ædœ 6œ kœwa ngbanga pa awa akwa, 6œ koedœ ayi kœwa ngbanga pa nœ kashe 6œ doédœ ayi kœza ga tœ akwa nene.

¹² Gbambanœ nene, Ndjaba bale dá doé ayi kœza awa akwa doé pe ayi kœwa ngbanga, œshe dá li kœshe azu too kœwo endje. Kashe œ6œ koedœ de yekane á kœwa ngbanga pa yanga zœ a?

'E katœ koedonga tœ 'e doé tœ 'e

¹³ 'E dji mœ doé otshœnœ, e'e doé azu á 'e pa adœke: «Kpœsheke too 6a mbatsha 'a na 6a lakpi asœke, 'a lo 6a zœ ngbugu bale, 'a ka œerœ nœ 'a yé 'a gbœ ngendja.»

¹⁴ Andaa 'e wuwusœ œerœ neke á wuta ga tœ e'e 6a mbatsha nene. 'E sœ бата ngawo á da yé œendœnœ œ di nene yeka á yiwa.

¹⁵ 'E li má kœpa adœke: «Æ kœsœ adœke Gbozu yindœ nœ, á 'a kœsœpe doé soro, 'a mbœerœ œerœ neke, too ndje œeneke asœke.»

¹⁶ Kashe ngœngœ asœ, 'e sœ koedonga tœ 'e tœ œerœ á 'e gbe tœ kœmboerœ tœnœ. Koedongatœsho kœ nœ mara asœke sœ tœ ekpenœ.

¹⁷ Atamœ, uzu á tshe wusœ koembœrœ otshœrœ á yiyindœ koembœrœ toenœ nene, sœ koembœrœ ekperœ.

5

O'o tœ upu nœ aayi kœgbœrœ

¹ 'E dji mœ dœ otshœnœ, e'e dœ ayi kœgbœrœ: ngœngœ asœ 'e ki, 'e sa rawa mbœrœ oyo á sœ kœkate 'e!

² Œrœ nœ 'e á 'e gbœ fu yé akœkœ zi lœba nœ 'e ye.

³ Œrœ nœ 'e dœ pe kowo nœ 'e ko ngbandji. Ngbandjinœ má fœ 'e adœke 'e ndo tœ kœsho 'e dœ owo. 'E ngbœda kœgbœrœ ndjoro mbœrœ e'e dœ tœ 'e, andaa kœka tshapashœnœ asœke ndo ye.

⁴ 'E wu œrœ tshangba akwa kindi á ayi akwa nœ e'e mbœrœ fœ 'e á 'e vwaratœ 'e kœko fœ endje. Œ sœsœ ndjii nene! 'E dji mara á endje sœ kœki toenœ yé Gbozu á tshe sœ dœ gbœgbœ kœ dji iki endje.

⁵ 'E gbœ œrœ waa lœ soro 'e pa œshœ yé 'e mbœrœ œeneke á lœsu 'e yindœ nœ. 'E wuta bœta ayarœ ojoro á endje gbœndœ endje tœ kœwo endje.

⁶ 'E wa œgbœ ngbanga pa azu, 'e wo endjeneke á endje sœ ndjii tœ ala Ndjaba yé endje vwavwaratœ endje nene.

Kœru lœsu

⁷ Atamœ aaya, 'e sœ dœ kœru lœsu œerrr ga tœ kœkwa Gbozu Yisu. 'E gbe dœ kœru lœsu nœ ayi kœedjo kindi: manda kœeni ali yavuru, tshe tœrœ kindi nœ ye. Tshe kate anga yavuru œerrr ga tœ anga osho mbœrœ kœzi ngwarœ kindi nœ ye.

⁸ E'e ndje awa bale, æ li adœke 'e sœ dœ kœru lœsu, æ shi gbi tœ lœsu 'e; gbambanœ nene, lœkœ kœkwa Gbozu ndo ye.

⁹ Aaya, 'e pupulœma 'e ugurutœ 'e tœ upu nœ anga 'e nene mbœrœ á endje kœwawa ngbanga pa 'e nene. 'E wu: ayi kœwa ngbanga ka lœ talamanda.

¹⁰ Aaya, 'e mbœrœ mara œrœ nœ aayi kœgbara o'o á endje sœ lima kœpa o'o dœ i'iri Gbozu: mara á endje sœ liya kœru lœsu endje lœ œgbœ o'o á sœ lima kœna ga ndœ endje.

¹¹ 'E wu: a e endje azu yanga mbœrœ kœru lœsu nœ endje. 'E dji o'o tœ upu kœshi gbi nœ Yobo yé 'e wu œneke á Gbozu mbœrœ fœ she manda nœ; gbambanœ nene, Gbozu sœ lima dœ ugu lœsu œdœ pe lœsu nœ kœwu oyo.

¹² Kœropa nœ kœ, aaya mœ, adja 'e wawa igi 'e ndje dœ i'iri Ndjaba nene, too dœ i'iri uzu nene, too ndje dœ i'iri anga œrœ bale nene. Kaka adœke 'e le «Æ» œ kœsœ adœke 'e yindœ o'onœ. Á 'e kœle «œœ» œ sœ adœke 'e vwaratœ 'e tœ o'onœ mbœrœ adœke 'e tete dœ o'o utshu Ndjaba nene.

Kœki fœ Ndjaba

¹³ Æ kœsœ adœke anga uzu bale ugurutœ 'e sœ kœwu oyo, tshe ki ga ndœ Ndjaba. Á œ kœsœ adœke tshe kœsœ dœ yanga, tshe donga Ndjaba.

¹⁴ Æ kœsœ adœke anga uzu bale ugurutœ 'e sœ dœ kœa, tshe e agbozu Ikriزيا, yé endje ki fœ Ndjaba tœ ye manda kœta kada ga tœ ye dœ i'iri Gbozu.

¹⁵ Kœki fœ Ndjaba dœ kœyindœrœ œ she uzu lœ kœa. Gbozu kpa to gbœgbœ fœ she œ ivwi she

ga lafo yé œdœe tshe kœembœerœ ekperœ, Ndjaba œ djerœendœ nœ.

¹⁶ Atamœ, œ li adœeke 'e pandœ ekperœ nœ 'e uzu dœ uzu fœ yanga nœ, 'e ki fœ Ndjaba uzu dœ uzu mbœerœ yanga nœ yekane á 'e kœeshe. Gbambanœ nene, ákpálá iki nœ uzu á tshe sœ ndjii fœ Ndjaba li kœembœerœ egerœ akwa.

¹⁷ Eliya kœedœ lima uzu ɓata azœ. Tshe ki fœ Ndjaba dœ lœsu ye bale adœeke, yavuru nini nene, yé œ mbœerœ ngbugu votɔ dœ yapu mindu dœ amanœ bale, yavuru nini pa ɔshɔ nene.

¹⁸ Manda nœ, tshe kpa ki fœ Ndjaba, ngbewo yavuru ni, yé ele ɔyɔ ko pa ɔshɔ.

¹⁹ Aaya, œdœe uzu bale ugurutœ 'e kœedji awa, yé anga uzu kœegi she ga tœ awa,

²⁰ 'e wusœ nœ adœeke uzunœ á tshe gi ayi kœembœerœ ekperœ lœ ekpe awa, she ayanœ yé Ndjaba œ djerœendœ ukpulu ekperœ nœ ye á tshe mbœerœ asœmœ.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983